

Enski boltinn

3. febrúar 2016



Janúarglugginn

Félagaskiptaglugginn á Englandi lokaðist á miðnætti í fyrradag. Stóru liðin voru róleg á leikmannamarkaðinum en Newcastle var stórtækt. SÍÐA 4

Gylfi góður á nýju ári

Gylfi Þór Sigurðsson hefur byrjað árið 2016 vel hjá Swansea sem er komið með nýjan knattspyrnustjóra frá Ítalíu. SÍÐA 6

Refirnir hans Ranieri

Leicester hefur komið liða mest á óvart í vetur en lærisveinar Claudio Ranieri eru með þriggja stiga forskot á toppi ensku úrvalsdeildarinnar. SÍÐA 8



Þessir ungu stuðningsmenn Everton hafa séð nóg af mörkum á Goodison Park í vetur. Alls hafa 46 mörk verið skoruð í Guttagarði á tímabilinu. FRÉTTABLAÐIÐ/GETTY

SKEMMTILEGUSTU VELLIRNIR

miðað við fjölda marka á tímabilinu

- 46 Goodison Park
Everton
- 45 Etihad Stadium
Man City
- 39 Stamford Bridge
Chelsea

LEIÐINLEGUSTU VELLIRNIR

miðað við fjölda marka á tímabilinu

- 17 Old Trafford
Man. Utd
- 23 Emirates Stadium
Arsenal
- 23 Britannia Stadium
Stoke City

HÁGÆÐA ÞVOTTAHÚSINNRETTINGAR

nettoline

FATASKÁPAR &

RENNIHURÐIR

STYRKUR - ENDING - GÆÐI

FJÖLBREYTT ÚRVAL AF HURÐUM, FRAMHLIÐUM, KLÆÐNINGUM OG EININGUM

Opið:
Mán. til föstudaga kl. 09 til 18
Laugardaga kl. 11 til 15



Askalind 3 • 201 Kópavogur • Sími: 562 1500 • friform.is

ÞÚ ER VALIÐ

Þú velur að kaupa innréttinguna í ósamsettum einingum, eða lætur okkur um samsetninguna. Að sjálfsgöðu önnumst við líka uppsetningu og endanlegan frágang. Fullkomin þjónusta, eigið verkstæði.

Stanslaust stuð á Goodison Park

Heimavöllur **Everton** er skemmtilegasti völlur ensku úrvalsdeildarinnar en **Old Trafford** sá leiðinlegasti.

Leikir Everton á Goodison Park eru skoðeld skemmtun. Það segir tölfræðin allavega. Goodison Park er „markahæsti“ völlurinn í ensku úrvalsdeildinni en alls hafa 46 mörk verið skoruð þar á tímabilinu.

Everton hefur spilað skemmtilegan sóknarbolta á tímabilinu með þá Romelu Lukaku, Ross Barkley og Gerard Deulofeu í broddi fylkingar. Liðið hefur alls skorað 40 mörk á tímabilinu, þar af 24 í tólf leikjum á Goodison Park. Lærisveinum Robertos Martínez hefur aðeins tvívegis mistekist að skora á heimavelli í vetur.

Þeir hafa að sama skapi aðeins haldið einu sinni hreinu og fengið á sig 22 mörk en ekkert lið hefur fengið á sig fleiri mörk á heimavelli en Everton. Og þessi markasúpa á Goodison Park hefur aðeins skilað Everton 13 stigum, eða rétt rúmu stigi að meðaltali í leik.

Næstskemmtilegasti völlurinn í ensku úrvalsdeildinni er Etihad Stadium, heimavöllur Manchester City. Áhorfendur á Etihad hafa séð 45 mörk á tímabilinu; City hefur skorað 33 þeirra en mótherjarnir tólf. Stamford Bridge, heimavöllur Englandsmestara Chelsea, kemur næstur á blaði en 39 mörk hafa verið skoruð á Brúnni í vetur.

Leiðinlegasti völlurinn er hins vegar Old Trafford, heimavöllur Manchester United. Leikhús draumanna er orðið að leikhúsi leiðindanna þar sem stuðnings-

menn United þurfa að horfa upp á hvern harmleikinn á fætur öðrum. Og leikstjórnin, Louis van Gaal, á engin svör.

Tölurnar tala sínu máli. Aðeins 17 mörk hafa verið skoruð á Old Trafford á tímabilinu, eða aðeins 1,5 mörk að meðaltali í leik. Heimamenn hafa skorað 12 af þessum 17 mörkum en aðeins botnlið Aston Villa hefur skorað færri mörk (8) á heimavelli en United.

Varnarleikur United á heimavelli hefur reyndar verið mjög sterkur en liðið hefur einungis fengið á sig fimm mörk í heimalaikjunum 11 og haldið sjö sinnum hreinu. En það dugir skammt þegar liðið getur ekki skorað.

Fyrri hálfleikirnir á Old Trafford hafa verið sérlega viðburðsnauðir í vetur en lærisveinar van Gaals hafa ekki skorað í fyrri hálfleik á heimavelli, í öllum keppnum, síðan í 2-1 sigrinum á Wolfsburg í Meistaradeild Evrópu 30. september á síðasta ári.

Memphis Depay var síðasti leikmaður United sem skoraði í fyrri hálfleik á heimavelli í úrvalsdeildinni þegar hann kom liðinu á bragðið í 3-0 sigri á Sunderland 26. september.

Ekkert lið er meira með boltann á heimavelli en United (58%) en það er engin fylgni milli þess og skota á mark. Rauðu djöflarnir eru í 12. sæti á listanum yfir flest skot í leik á heimavelli (12,7) og í því átjándasta yfir flest skot á mark (3,2).

ÚTGEFANDI | 365 miðlar ehf.
Skaftahlíð 24 | s. 512 5000

VEFFANG
visir.is

ÁBYRGÐARMAÐUR
Svanur Valgeirsson

UMSJÓNARMAÐUR AUGLÝSINGA Jón Ívar Vilhjálmsson | jonivar@365.is

Síminn 

Stakir leikir í Sjónvarpi Símans

Nú geta viðskiptavinir Símans keypt aðgang að stökum leikjum heima í stofu. Misstu ekki af spennandi leikjum í Enska boltanum, Meistaradeild Evrópu og Þýska boltanum. Stærstu leikir í hverri umferð eru í boði.

Hringdu í 800 7000 eða farðu á siminn.is og kynntu þér málið.

Rólegur janúargluggi á Englandi

Félagaskiptaglugginn á Englandi lokaðist á miðnætti í fyrradag en þá rann út frestur ensku liðanna til að kaupa og selja leikmenn. Stóru liðin höfðu hægt um sig í leikmannakaupum en Newcastle United var hvað duglegast að styrkja sig, enda liðið í mikilli fallhættu.

Janúarglugginn hefur oft verið viðburðaríki en í ár, sérstaklega hjá stóru liðunum í ensku úrvalsdeildinni. Manchester liðin, City og United, og Tottenham fengu t.a.m. enga leikmenn til liðs við sig í glugganum.

Arsenal festi kaup á egypska miðjumanninum Mohamed Elneny frá Basel og Liverpool keypti serbeska miðjumanninn Marko Grujic frá Rauðu stjörnunni (hann mun þó klára tímabilid heima í Serbíu) og fékk varnarmanninn Steven Caulker að láni frá QPR. Chelsea seldi Brasilíumanninn Ramires til Kína en fékk landa hans, Alexandre Pato, að láni frá Corinthians. Þá fékk topplið Leicester þrjá unga leikmenn til liðs við sig; Demarai Gray, Daniel Amartey og Daniel Iversen.

Nóg að gera á St James' Park

Newcastle United var liða stórtækast á leikmannamarkaðinum í janúar enda liðið í mikilli fallhættu. Newcastle fékk alls fjóra leikmenn til sín í janúar; Jonjo Shelvey kom frá Swansea, Andros Townsend frá Tottenham, Henri Saivet frá Bordeaux og Seydou Doumbia frá Roma. Newcastle greiddi samtals rúmar 26 milljónir punda fyrir þrjá fyrstnefndu leikmennina en Doumbia er í láni frá Roma.

Til að fylla skarð Shelveys fékk

Swansea hollenska miðjumanninn Leroy Fer að láni frá QPR. Svanirnir fengu sömuleiðis framherjann Alberto Paloschi frá Chievo en nýr knattspyrnustjóri Swansea, Francesco Guidolin, þekkir vel til þessa 26 ára gamla leikmanns eftir að hafa þjálfað hann hjá Parma á Ítalíu.

Stór kaup hjá Stoke og Everton

Stoke City greiddi metupphæð fyrir Giannelli Imbula, 23 ára gamlan franskann miðjumann frá Porto. Imbula er dýrasti leikmaðurur í sögu Stoke en hann kostaði félagið 18,3 milljónir punda.

Everton keypti senegalska framherjann Oumar Niasse frá Lokomotiv Moskvu fyrir 13,5 milljónir punda en honum er ætlað að létta undir með Romelu Lukaku í framlínunni.

Sunderland og Norwich eru, líkt og Newcastle, í harðri fallbaráttu en þau létu til sín taka á félagaskiptamarkaðinum. Af nýjum leikmönnum Sunderland ber helst að nefna þýska varnarmanninn Jan Kirchhoff, sem kom frá Bayern München, og Wahbi Khazri, túnískan sóknarmiðjumann sem kom frá Bordeaux.

Nýliðar Norwich kræktu m.a. í Steven Naismith frá Everton og varnarmennina Ivo Pinto og Timm Klose. Botnlið Aston Villa fékk hins vegar ekki einn einasta leikmann í glugganum.



Mörkin hans Seydou Doumbia eiga að bjarga Newcastle frá falli niður í næstefstu deild. FRÉTTABLAÐIÐ/GETTY

» Newcastle fékk til sín fjóra sterka leikmenn sem eiga að hjálpa liðinu að forðast fall. Önnur lið í kjallara úrvalsdeildarinnar styrktu sig einnig.

Aðrir nýliðar, Bournemouth, voru einnig nokkuð aðsópmiklir en þeir þéttu raðirnar í framlínunni með því fá framherjana Juan Iturbe, Benik Afobe og Lewis Grabban til félagsins. Þriðju nýliðarnir, Watford, voru öllu rólegri en síðasta sumar en fengu þó spænska miðjumanninn Mario Suárez frá Fiorentina

sem gæti reynst þeim gulu mikill happafengur.

Þá veðjaði Crystal Palace á framherjann Emmanuel Adebayor og Southampton festi kaup á markaskoraranum Charlie Austin frá QPR. West Ham fékk sér einnig framherja. Sá heitir Emmanuel Emenike og kemur á láni frá Fenerbache í Tyrklandi.

COMPUTER.IS



Thonet&Vander Kind

Öflugt 25W RMS hágæða kerfi sem tekur lítið pláss

9.990,-



Intel sjónvarpstólva

Með Windows 10 - tengist beint í HDMI. 1xUSB, Bluetooth, WiFi

26.990,-



Lenovo IdeaPad 100

Intel Core i3
4GB DDR3
500GB SATA
DVD skrifari
Bluetooth 4.0, Wifi, USB3, HDMI
Windows 10 Home

Styður Football Manager 2016 ;)

79.900,-



Corsair 128GB

Vandaður USB 3.0 minnislykill með 128GB geymsluplássi!

8.990,-



Chromecast Audio

Spilaðu tónlist þráðlaust með WiFi yfir í hátalarana þína, styður Android, iPhone, iPad, PC, Mac.

7.990,-



HDMI 2,5 metrar

2.490,-

logitech



Logitech tölvuvörur

-10% afsláttur

Skipholti 50c - 582 6000 - www.computer.is

www.simar.is



Microsoft



Windows 10



Lumia 950

99.900,-

Lumia 950XL

114.900,-

Galaxy Xcover⁵⁵⁰



18.900,-

NOKIA 105



4.900,-

Galaxy A³ 4G
DUOS



49.900,-

LG G₃



44.900,-

Galaxy S6



84.900,-

XPERIA C4



46.900,-

Krókhálsi 5c
Sími 546-9000

emobi
bara gott verð



Gylfi Þór Sigurðsson fagnar einu af fimm mörkum sínum í ensku úrvalsdeildinni á tímabilinu. Hann er þriðji markahæsti leikmaður Swansea í úrvalsdeildinni frá upphafi. FRÉTTABLAÐIÐ/GETTY

Gylfi og félagar á uppleið á nýju ári

Eftir misjafnt gengi framan af tímabili virðist íslenski landsliðsmaðurinn Gylfi Þór Sigurðsson vera kominn aftur í sitt besta form en hann hefur skorað þrjú mörk í síðustu fjórum leikjum Swansea í úrvalsdeildinni. Liðið er komið með nýjan stjóra og hefur unnið tvo leiki í röð.

Swansea City náði sínum besta árangri í sögu ensku úrvalsdeildarinnar á síðasta tímabili þegar liðið fékk 56 stig og endaði í 8. sæti. Gylfi Þór Sigurðsson átti stóran þátt í þessu góða gengi liðsins en íslenski landsliðsmaðurinn skoraði sjö mörk á síðasta tímabili og gaf auk þess 10 stoðsendingar á félag sína. Aðeins Cesc Fábregas hjá Chelsea (18) og Arsenal-maðurinn Santi Cazorla (11) lögðu upp fleiri mörk en Gylfi í úrvalsdeildinni í fyrra.

Lofandi byrjun

Byrjunin á þessu tímabili lofaði líka góðu. Swansea náði í átta stig í fyrstu fjórum leikjunum þar sem Bafetimbi Gomis og nýi maðurinn, André Ayew, fóru mikinn en þeir félagar skoruðu öll sjö mörk liðsins í þessum leikjum. Gylfi stóð einnig fyrir sínu og lagði m.a. upp jöfnunarmark Ayew í 2-1 sigrinum á Manchester United á Liberty Stadium 30. ágúst.

En svo fór að halla verulega undan fæti hjá Swansea. Liðið vann aðeins einn af næstu 11 leikjum sínum og sá sigur kom gegn botnliði Aston Villa. Leikar fóru 1-2 á Villa Park og skoraði Gylfi jöfnunarmark Swansea með glæsilegu skoti beint úr aukaspyrnu. Þetta var annað af tveimur mörkum Gylfa í deildinni fyrir áramót en hann skoraði einnig eina mark Swansea úr vítaspyrnu í 3-1 tapi fyrir Southampton á útivelli.

Monk sparkað

Þetta slæma gengi Swansea kostaði knattspyrnustjórnann Garry Monk starfið en hann var rekinn eftir 0-3 tap fyrir Leicester City á heimavelli í byrjun desember. Það var sársaukafull aðgerð

Við höfum unnið tvo leiki í röð og spilað mjög vel í þeim báðum. Það gefur okkur mikið sjálfs-traust og sýnir að hæfileikarnir eru til staðar í liðinu.

Gylfi Þór Sigurðsson

enda hafði Monk verið í herbúðum Swansea frá árinu 2004, fyrst sem leikmaður og svo sem knattspyrnustjóri.

„Við berum ábyrgð á þessu. Við höfum ekki verið að vinna leiki og það er vegna þess að við leikmennirnir höfum ekki staðið okkur nógu vel,“ sagði Gylfi í viðtali eftir brottrekstur Monks. „Garry er svo náinn liðinu og búinn að vera hérna lengi, svo það gerir þetta aðeins persónulegra.“

Alan Curtis, fyrrverandi leikmaður Swansea og velska landsliðsins, tók við liðinu til bráðabirgða. Fyrsti leikurinn undir hans stjórn var í gini úlfinsins, á Etihad Stadium, heimavelli Manchester City. Swansea-liðið spilaði vel í þeim leik en mátti samt setta sig við 1-2 tap. Gylfi spilaði sem fremsti maður í leiknum sem var sennilega hans besti á tímabilinu. Landsliðsmaðurinn átti marg-

MARKAHÆSTU LEIKMENN SWANSEA

Leikmaður	Fjöldi marka
1. Wilfried Bony (2013-15)	25
2. Michu (2012-13)	20
3. Gylfi Þór Sigurðsson (2012, 2014-)	19
4. Nathan Dyer (2011-)	17
5. Danny Graham (2011-13)	15

STOÐSENDINGAHÆSTU LEIKMENN SWANSEA

Leikmaður	Fjöldi marka
1. Gylfi Þór Sigurðsson (2012, 2014-)	14
2.-4. Wayne Routledge (2011-)	13
2.-4. Pablo Hernández (2012-14)	13
2.-4. Jonjo Shelvey (2013-16)	13
5.-6. Nathan Dyer (2011-)	10
5.-6. Jonathan de Guzmán (2012-14)	10

ar góðar tilraunir en stórleikur Joe Hart í marki City kom í veg fyrir að Gylfi næði að skora.

Eftir sjö leiki án sigurs náði Swansea loks í þrjú stig með 1-0 sigri á West Brom á öðrum degi jóla. Liðið var þó enn stjóralaust en meðal þeirra sem voru orðaðir við starfið á þessum tíma má nefna Marcelo Bielsa og Gus Poyet.

Ítalskur reynslubolti tekur við

Curtis stýrði Swansea þangað til Ítalinn Francesco Guidolin var ráðinn stjóri félagsins 18. janúar. Guidolin er ekki þekkt nafn á Englandi en Ashley Williams, fyrirlíði Swansea, viðurkenndi að hann hefði „gúglað“ nýja stjórnann til að finna upplýsingar um hann.

Þessi sextugi Ítali hefur farið víða á löngum ferli, en fyrir utan eitt tímabil við stjórnvölinn hjá franska liðinu Monaco hefur hann einungis starfað í heimalandinu.

Til marks um hversu lengi Guidolin hefur verið að þá hafa bara sex stjórnar í sögu ítölsku úrvalsdeildarinnar stýrt liðum í fleiri leikjum en hann (555 leikir á 21 ári).

Síðasti viðkomustaður Guidolin, áður en hann kom til Swansea, var Udinese sem hann stýrði á árunum 2010-14. Strax á fyrsta tímabili Guidolin við stjórnvölinn endaði Udinese í 4. sæti ítölsku deildarinnar og vann sér þar með sæti í forkeppni Meistaradeildar Evrópu þar sem liðið tapaði 3-1 samanlagt fyrir Arsenal.

Tímabilið 2011-12 gerði Udinese enn betur og náði 3. sætinu. Aftur mistókst liðinu þó að komast í riðlakeppni Meistaradeildarinnar eftir tap fyrir Braga frá Portugal. Næsta tímabil lenti Udinese í 5. sæti en 13. sætið varð niðurstaðan á síðasta tímabili Guidolin við stjórnvölinn hjá félaginu.

Á rétttri leið

Guidolin, sem er mikill áhugamaður um hjólreiðar, horfði á Swansea vinna nýliða Watford daginn sem hann var ráðinn og stýrði liðinu svo í fyrsta sinn um þar síðustu helgi þegar Svanirnir unnu 1-2 sigur á Everton á útivelli. Það var jafnframt fyrsti sigur Swansea á Everton í deildarleik.

Gylfi kom Swansea yfir gegn Everton með marki úr vítaspyrnu en það var þriðja mark hans á árinu 2016. Landsliðsmaðurinn skoraði einnig í tapleikjum gegn Manchester United og Sunderland.

„Þetta voru frábær úrslit. Við höfum unnið tvo leiki í röð og spilað mjög vel í þeim báðum,“ sagði Gylfi í viðtali eftir sigurinn á Goodison Park en með honum komst Swansea fjórum stigum frá fallsæti. „Það gefur okkur mikið sjálfsstraust og sýnir að hæfileikarnir eru til staðar í liðinu,“ bætti Gylfi við.

Gylfi eltir met

Markið gegn Everton var níjtjándi mark Gylfa fyrir Swansea í úrvalsdeildinni en aðeins Wilfried Bony (25) og Michu (20) hafa gert fleiri síðan félagið vann sér sæti í deildinni 2011. Með sama áframhaldi gæti Gylfi fljótlega orðið markahæsti leikmaður Swansea í úrvalsdeildinni.

Hann er nú þegar stoðsendingahæstur í stuttri úrvalsdeildarsögu Swansea, með 14 slíkar, og það væri glæsilegur árangur hjá þessum frábæra leikmanni að vera bæði marka- og stoðsendingahæstur í úrvalsdeildarsögu Svananna.

Mestu skiptir þó að Swansea haldi áfram að hala inn stig og bjargi sér frá falli. Og með Gylfa í góðu formi og nýjan mann í brúnni eru liðinu flestir vegir færir.



THE MORE YOU USE IT
THE BETTER IT LOOKS

Nýr seguldrifinn blandari frá KitchenAid

KitchenAid
FOR THE WAY IT'S MADE



Einar Farestveit & Co.hf.

Borgartúni 28 • Sími: 520 7900 • ef@ef.is • www.ef.is

Refirnir hans Ranieri

Leicester City hefur komið liða mest á óvart í vetur en þegar 15 umferðum er ólokið sitja lærisveinar Claudio Ranieri á toppi ensku úrvalsdeildarinnar.

„Claudio Ranieri? Í alvöru?“ Svo hljóðaði tíst frá Gary Lineker 13. júlí í fyrra eftir að gengið var frá ráðningu Claudio Ranieri sem knattspyrnustjóra Leicester City. Félagið stendur nærri hjarta Linekers enda hóf hann fótboltaferilinn þar og hann, líkt og flestir, hafði efasemdir um að Ranieri væri rétti maðurinn í brúna hjá Leicester. Og skiljanlega. Áður en Ranieri tók við Leicester var hann landsliðsþjálfari Grikklands en var rekinn úr starfi eftir tap á heimavelli fyrir Færeyjum í undankeppni EM 2016.

Byggt á sama grunni

Nú, í byrjun febrúar 2016, er öldin önnur. Leicester situr á toppi ensku úrvalsdeildarinnar með þriggja stiga forskot á næstu lið og Ranieri er þegar búinn að tryggja sér titilinn knattspyrnustjóra ársins. Ótrúlegur árangur hjá liði sem var rófást við botn deildarinnar þegar árið 2015 gekk í garð. Refirnir björguðu sér frá falli með frábærum endaspretti á síðasta tímabili, þar sem þeir unnu sjö af síðustu níu leikjum sínum. Þrátt fyrir þennan góða árangur var knattspyrnustjórinn Nigel Pearson látinn taka pokann sinn.

Galdurinn hjá Ranieri felst kannski helst í því að hann hefur ekki breytt of miklu hjá Leicester og byggt ofan á það sem Pearson gerði vel. Árangur Leicester byggist á miklum dugnaði, góðu skipulagi og beittum sóknarleik.

Aðeins West Brom og Sunderland eru minna með boltann að meðaltali í leik í úrvalsdeildinni en Leicester (44%) og ekkert lið er með jafn lágt hlutfall heppnaðra sendinga (69,7%). Þrátt fyrir þetta er Manchester City eina liðið sem hefur skorað fleiri mörk en Leicester í deildinni í vetur. Refirnir hans Ranieri eru ekki mikið með boltann en þeir nýta þann tíma til hins ýtrasta.

Leikstilli liðsins er afar beinskýttur og hefur gert leikmönnum á borð við Jamie Vardy og Riyad Mahrez kleift að blómstra. Þeir félagar hafa sprungið út í vetur og verið óstöðvandi. Vardy, sem spilaði í utandeildinni fyrir ekki svo mörgum árum, hefur gert 16 mörk en fyrir áramót skoraði hann í 11 leikjum í röð sem er met í úrvalsdeildinni. Mahrez hefur verið litlu síðri, en Alsír-ingurinn er kominn með 13 mörk og átta stöðsendingar.

Fleiri leikmenn hafa látið að sér kveða í Leicester-liðinu. N'Golo Kanté hefur slegið í gegn á mið-

unni og hinir nýju mennirnir, Christian Fuchs og Shinji Okazaki, hafa einnig skilað sínu. Kasper Schmeichel er góður markvörður og miðverðirnir Wes Morgan og Robert Huth eru grjótharðir. Leicester fékk á sig talsvert af mörkum framan af tímabilinu en varnarleikurinn hefur styrkst sem sést best á því að Refirnir hafa haldið hreinu í fjórum af síðustu fimm deildarleikjum sínum.

Fullkominn endir á ævintýrinu?

Leicester er aðeins 15 leikjum frá því að takast hið ómögulega og verða Englandsmeistari í fyrsta sinn í sögu félagsins. Dýfan sem allir töluðu um að Leicester tæki er ekki enn komin og virðist ekki vera á leiðinni. Refirnir hans Ranieri eru einfaldlega að spila eins og meistaraefni og verða eflaust í baráttunni um titilinn allt til loka tímabilsins.

Ítalski herramaðurinn Claudio Ranieri hefur komið öllum á óvart og er með Leicester í toppsæti ensku úrvalsdeildarinnar þegar 15 umferðir eru eftir. FRÉTTABLAÐIÐ/GETTY



LEICESTER CITY Í TÖLUM

45

Mörk skoruð
2. sæti í deildinni

26

Mörk fengin á sig
7. sæti í deildinni

13,3

Skot í leik
7. sæti í deildinni

4,7

Skot á mark í leik
5. sæti í deildinni

44%

Með boltann í leik
18. sæti í deildinni

69,7

Hlutfall heppnaðra sendinga
20. sæti í deildinni

71

Langar sendingar í leik
5. sæti í deildinni

269

Stuttar sendingar í leik
19. sæti í deildinni

22,7

Tæklingar í leik
2. sæti í deildinni

21,5

Bolta náð (interceptions)
1. sæti í deildinni

**YFIR
1.300
BEINAR
ÚTSENDINGAR Á ÁRI**

Sportpakinn inniheldur: Stöð 2 Sport, hliðarrásir, Eurosport, Extreme Sport, Motors TV, Sky News, NBA TV, MUTV, LFC TV og Chelsea TV.



Sportpakinn er tilvalinn fyrir þá sem elska íþróttir. Enski boltinn, Meistaradeildin, Evrópuboltinn ásamt spjallþáttum með spekingunum. Körfubolti, Formúlan, NFL, bardaga-íþróttir og margt annað sem fær hjartað til að slá ör.



Jürgen Klopp fagnaði af mikilli innlifun með leikmönnum Liverpool eftir að Adam Lallana skoraði sigurmark liðsins í 4-5 sigri á Norwich í uppþóttartíma. Gleraugun hans Klopps brotnuðu í fagnaðarlátunum. FRÉTTABLAÐIÐ/GETTY

Hveitibrauðsdagar Klopps á Anfield

Það hefur gengið upp og ofan hjá Liverpool eftir að Þjóðverjinn Jürgen Klopp tók við liðinu. Rauði herinn hefur unnið flotta sigra en sýnt veikleikamerki inn á milli.

Sjaldan eða aldrei hefur verið jafn mikið fjadrafok vegna ráðningar eins knattspyrnustjóra og þegar Jürgen Klopp samdi við Liverpool 8. október síðastliðinn. Og ekki að tilefnislausu. Eftir að hafa unnið frábært starf hjá Borussia Dortmund var Klopp einn eftirsóttasti stjóri heims.

Stórstjarnan Klopp

Þetta snerist ekki bara um að Klopp hafði unnið þrjú stóra titla sem stjóri Dortmund og komið liðinu í úrslitaleik Meistaradeildar Evrópu vorið 2013, heldur einnig hvernig hann gerði það. Dortmund spilaði spennandi og skemmtilegan fótbolta undir stjórn Klopp; pressuðu stíft og sóttu hratt. Og svo er Klopp sjálfur hálfgerð ofurstjarna, enda leitun að litríkari karakter. Leikmenn, fjölmiðlamenn, stuðningsmenn Liverpool, og jafnvel stuðningsmenn annarra liða, éta úr lófanum á þessum sjarmerandi manni sem virðist taka sjálfan sig máturega alvarlega.

En hvernig hafa fyrstu mánudirnir hjá Klopp við stjórnvöllinn hjá Liverpool gengið? Upp og ofan er líklega réttasta svarið. Það hafa komið leikir þar sem Liverpool-liðið virðist vera búið að tileinka sér fótboltaheimspeki Klopps og lítur afar vel út en

inn á milli koma leikir þar sem draugar fortíðar láta á sér kræla.

Hápunkturinn á þeim stutta tíma sem Klopp hefur verið við stjórnvöllinn hjá Liverpool er vafalaust 1-4 sigurinn á Manchester City á útivelli. Rauði herinn sýndi allar sínar bestu hliðar í leiknum og leit svo sannarlega út eins og Klopp-lið. City-menn réðu hvorki við hápressu Liverpool né skyndisóknirnar. Lærissveinar Klopps voru komnir 0-3 yfir eftir rúman hálf tíma og ef ekki hefði verið fyrir góðan leik Joe Hart í marki City hefðu mörk Liverpool orðið mun fleiri.

Liverpool sýndi einnig afbragðsgóða spilamennsku í 1-3 sigrinum á Chelsea í deildinni og 1-6 stórsigrinum á Southampton í deildabikarnum. Þá er Liverpool aðeins annað tveggja liða sem hefur lagt topplið Leicester City að velli í úrvalsdeildinni í vetur.

Föst leikatriði og meiðsli

Veikleikar Liverpool-liðsins koma líka reglulega í ljós. Líkt og undir stjórn Brendans Rodgers er varnarleikurinn vandamál, og þá sérstaklega þegar kemur að því að verjast fyrirgjöfum og föstum leikatriðum. Það kom greinilega í ljós í sigrinum ævintýrlega, 4-5, á Norwich þar sem þrjú af fjórum mörkum

Kanarífuglanna komu eftir föst leikatriði.

Þessi vangeta til að verjast föstum leikatriðum er helsta hindrunin á leið Liverpool í átt að stöðugleika, ásamt meiðslunum sem hafa leikið leikmenn liðsins grátt undanfarnar vikur. Þau eru kannski að einhverju leyti fylgiskur mikils leikjaálags og leikstíls Klopps sem er mjög líkamlega krefjandi fyrir leikmenn.

Færri stig í leik en hjá Rodgers

Árangurinn hjá Klopp í deildinni er viðunandi en ekki mikið meira en það. Í 15 deildarleikjum undir stjórn Þjóðverjans hefur Liverpool náð í 22 stig, eða 1,46 stig að meðaltali í leik. Forveri hans í starfi, áður nefndur Rodgers, náði í 12 stig í fyrstu átta leikjum tímabilsins, eða 1,5 stig að meðaltali í leik. Það má þó ekki gleyma því að Liverpool er komið í úrslit deildabikarsins, áfram í Evrópu deildinni og er enn með í ensku bikarkeppninni.

Ferilskráin og persónuöftrar Klopps þýða að hann fær tíma á Anfield. Þjóðverjinn er líka enn að vinna með hóp forvera síns en Klopp mun eflaust láta til sín taka á félagskiptamarkaðinum næsta sumar. Hveitibrauðsdagarnir standa enn yfir en það verður svo að bíða og sjá hvernig hjónalífið á Anfield verður.



SPORT

SUNNUDAGINN

7. FEBRÚAR KL. 23:00

SUPER BOWL

DENVER BRONCOS CAROLINA PANTHERS

Það stýttist í stærsta íþróttaviðburð ársins í Bandaríkjunum þegar keppt verður í Super Bowl í fimmtugasta sinn. Að þessu sinni mætast **Carolina Panthers** og **Denver Broncos** á Levi's-leikvanginum í San Francisco. **Cam Newton** og félagar í **Panthers** þykja sigurstranglegra en reynsla **Peyton Manning** á örugglega eftir að reynast **Broncos** drjúg í leiknum. Íslenskir NFL-sérfræðingar greina leikinn í sjónvarpsveri okkar á meðan honum stendur. **EKKI MISSA AF ÆSISPENNANDI RUÐNINGI OG FRÁBÆRUM SKEMMTIATRIÐUM Í HÁLFLEIK!**

Bestu kaup síðasta sumars

Liðin í ensku úrvalsdeildinni voru dugleg að kaupa leikmenn síðasta sumar. Þau heppnuðust misvel; sum lið gerðu kjarakaup en önnur keyptu köttinn í seknum. Að mati Fréttablaðsins gerðu West Ham, Leicester City og Tottenham Hotspur bestu kaup síðasta sumars.



Dimitri Payet

28 ára franskur sóknarmiðjumaður
Keyptur fyrir 10,5 milljónir punda frá Marseille
16 leikir: 6 mörk og 4 stoðsendingar

West Ham hefur unnið 8 af 16 leikjum sem Payet hefur spilað en aðeins 1 af 7 sem hann hefur misst af

Stoðsendingakóngur frönsku úrvalsdeildarinnar á síðasta tímabili var ekki lengi að stimpla sig inn hjá West Ham. Í fyrsta leik tímabilsins lagði hann upp annað mark Hamranna í 0-2 sigri á Arsenal á útivelli. Payet lét ekki þar við sitja heldur átti Frakkinn stóran þátt í góðu gengi West Ham framan af vetri. Hann skoraði og lagði upp mörk jöfnum höndum og gladdi stuðningsmenn Lundúnaliðsins með frábærum tilþrifum. Payet meiddist á ökkla í byrjun nóvember og missti af þeim sökum af sjö deildarleikjum. West Ham vann aðeins einn þeirra sem segir sitt um mikilvægi Payets. Hann sneri aftur í 2-0 sigri á Liverpool 2. janúar og sýndi svo hvers hann er megnugur í 1-3 sigrinum á Burnley þar sem hann skoraði stórglæsilegt mark beint úr aukaspyrnu og lagði svo upp mark fyrir Enner Valencia með mögnuðum tilþrifum. Payet býr yfir einstökum leikskilningi og frábærri tækni og áhrifum hans á West Ham má helst líkja við þau sem Carlos Tevez hafði á liðið fyrir tæpum áratug.



N'Golo Kanté

24 ára franskur miðjumaður
Keyptur fyrir 6,3 milljónir punda frá Caen
23 leikir: 1 mark og 2 stoðsendingar

Enginn leikmaður í úrvalsdeildinni vinnur boltann jafn oft að meðaltali í leik og Kanté (4 sinnum)

Það voru ekki margir sem höfðu heyrt nafnið N'Golo Kanté þegar Leicester gekk frá kaupnum á honum í ágústbyrjun í fyrra. En nú, sex mánuðum seinna, er nafn hans á allra vörum. Þessi 24 ára gamli þindarlaus miðjumaður hefur slegið í gegn á sínu fyrsta tímabili í úrvalsdeildinni og átt stóran þátt í frábæru, og óvæntu, gengi Leicester. Kanté virðist sniðinn fyrir fótboltann sem er spilaður á Englandi. Þrátt fyrir að vera ekki mikill fyrir mann að sjá (aðeins 169 cm á hæð og 68 kg) er hann gríðarlega harður af sér. Enginn leikmaður í úrvalsdeildinni vinnur boltann oftast að meðaltali í leik (4 sinnum) og aðeins Lucas Leiva hjá Liverpool vinnur fleiri tæklingar að meðaltali í leik en Kanté. Og þrátt fyrir þetta hefur Frakkinn aðeins fengið tvö gul spjöld á tímabilinu. Leicester situr í toppsæti deildarinnar þegar aðeins 15 umferðir eru eftir og ef því á að takast hið ómögulega og vinna sjálfan Englandsméistaratilinn þarf Kanté að halda uppteknum hætti.



Toby Alderweireld

26 ára belgískur miðvörður
Keyptur fyrir 11,2 milljónir punda frá Atlético Madrid
23 leikir: 2 mörk og 2 stoðsendingar

Tottenham er búið að fá á sig 19 mörk í 23 leikjum í úrvalsdeildinni. Á sama tíma í fyrra var liðið búið að fá á sig 30 mörk

Ungt lið Tottenham hefur spilað vel í vetur og situr í 4. sætinu, aðeins fimm stigum frá toppliði Leicester City. Leikmenn á borð Dele Alli og Harry Kane hafa verið mest í sviðsljósinu en lykilinn að góðum árangri Tottenham er sterkur varnarleikur. Belgíski miðvörðurinn Toby Alderweireld á hvað stærstan þátt í því að Tottenham hefur fengið á sig fæst mörk í úrvalsdeildinni, aðeins 19 í 23 leikjum. Á sama tíma í fyrra var Spurs búið að fá á sig 30 mörk. Belginn hefur smellpassað inn í lið Tottenham og landarnir Alderweireld og Jan Vertonghen mynda sennilega sterkasta miðvarðaparið í úrvalsdeildinni. Þeir ná gríðarlega vel saman enda spiluðu þeir áður saman hjá Ajax. Tottenham setur mótherja sína jafnan undir mikla pressu framfarlega á vellinum og því þarf varnarliðan að spila mjög framfarlega sem Alderweireld og Vertonghen leysa þrýðilega. Alderweireld, sem hefur leikið alla 23 deildarleiki Tottenham, er sterkur varnarmaður, fer vel með boltann og er með góðar langar sendingar. Þá hefur hann skorað tvö mörk í vetur.

VILTU HRÖKKVA Í GÍRINN?

Þeir sem hugsa um hollustuna velja BURGER hrökkbrauð. Í því er enginn viðbættur sykur og ekkert ger. Það er líka einstaklega bragðgott!

Það er engin tilviljun að BURGER er vinsælasta hrökkbrauðið á Íslandi.



HUGSAÐU UM HOLLUSTUNA!

LED SJÓNVÖRÞ

OLED SJÓNVÖRÞ

ALLRA SÍÐUSTU DAGAR
ÚTSÖLULOK Á LAUGARDAG

ÚTSALA
ALLT AÐ 67% AFSLÁTTUR

65" SJÓNVÖRÞ

79" STÓR SJÓNVÖRÞ

ÚTVÖRÞ

HLJÓMTÆKI

84" STÓR SJÓNVÖRÞ

HEIMABIÓ

BLU-RAY SPILARAR

HEYRNARTÓL

BÍLGRÆJUR

ALLRA SÍÐUSTU DAGAR
ÚTSÖLULOK Á LAUGARDAG



LG PHILIPS THOMSON Panasonic

YAMAHA KENWOOD Nikon GRUNDIG

harman/kardon OLYMPUS Dantax tasco TOSHIBA JVC SanDisk

OPIÐ VIRKA DAGA 9-18 OG LAUGARDAGA 11-16 | SJÁIÐ ÖLL TILBOÐIN Á SM.IS



Sjónvarpsmiðstöðin



RAFTÆKJAVERSLUN • SÍÐUMÚLA 2 • SÍMI 568 9090 • www.sm.is



16 mörk hjá Vardy. FRÉTTABLAÐIÐ/GETTY

Hörð barátta um gullskóinn

Þegar 15 umferðir eru eftir af ensku úrvalsdeildinni hefur Jamie Vardy forystu í kapphlaupinu um gullskóinn. Vardy hefur skorað 16 mörk fyrir topplið Leicester City, en hann afrekaði það að skora í 11 deildarleikjum í röð fyrir áramót.

Næstur á markalistanum kemur Belginn Romelu Lukaku hjá Everton með 15 mörk. Í 3. sæti er Nígeríumaðurinn Odion Ighalo sem hefur slegið í gegn með nýliðum Watford. Ighalo hefur skorað 14 mörk, eða rúman helming marka Watford í deildinni.

Harry Kane hjá Tottenham og Leicester-maðurinn Riyad Mahrez koma næstir en þeir hafa báðir skorað 13 mörk. Sergio Agüero, markakóngur síðasta tímabils, er í 6.-7. sæti markalistans ásamt Olivier Giroud, framherja Arsenal, en þeir hafa skorað 12 mörk hvor.



Til hamingju með nýja starfið. FRÉTTABLAÐIÐ/GETTY

Sá eftirsóttasti valdi City

Í fyrradag var tilkynnt um ráðningu Pep Guardiola sem næsta knattspyrnustjóra Manchester City. Spánverjinn tekur við starfinu af Manuel Pellegrini að tímabilinu loknu.

Koma Guardiola á Etihad-völlinn hefur legið í loftinu í nokkurn tíma, eða frá því að hann greindi frá þeirri ákvörðun sinni að hann ætlaði að hætta sem stjóri Bayern München í vor. Guardiola var einnig orðaður við Manchester United og Chelsea en City var þó alltaf líklegasti kosturinn. Ekki síst fyrir þær sakir að Txiki Begiristain, maðurinn sem átti hvað stærstan þátt í því að ráða Guardiola sem stjóra Barcelona árið 2008, er yfirmaður knattspyrnumála hjá City.

Guardiola hefur náð frábærum árangri á stjóraferli sínum. Hann gerði Barcelona þrívísing og tvisvar að Evrópumeisturum. Þá hefur hann stýrt Bayern til tveggja Þýskalandsmeistarátitla og sá þriðji kemur að öllum líkindum í hús í vor.

Pellegrini hefur stýrt City síðan 2013 en liðið varð enskur meistari og deildabikarmeistari á hans fyrsta tímabili við stjórnvöllinn. Pellegrini getur kvatt City með stæl en liðið er í 2. sæti ensku úrvalsdeildarinnar, komið í 5. umferð bikarkeppninnar, í úrslit deildabikarsins og í 16-liða úrslit Meistaradeildar Evrópu. Það gæti því farið svo að Pellegrini kveddi City með fernunni. Guardiola er reyndar vanur að taka við liði sem hefur unnið allt en hann tók við Bayern sumarið 2013 þegar liðið var þrefaldur meistari.


STOÐSENDINGAKÓNGURINN ÖZIL

Á meðan baráttan er hörð um markakóngstitilinn í ensku úrvalsdeildinni er lítil spennan í baráttunni um stoðsendingakóngstitilinn. Mesut Özil hjá Arsenal er einfaldlega búinn að stinga alla af í því kapphlaupi en Þjóðverjinn hefur gefið hvorki fleiri né færri en 16 stoðsendingar í úrvalsdeildinni til þessa. Magnaður árangur hjá þessum snjalla leikmanni sem er að eiga sitt langbesta tímabil síðan hann kom til Arsenal 2013.

Özil er þegar búinn að gefa fleiri stoðsendingar á þessu tímabili en hann gaf samtals á fyrstu tveimur tímabilum sínum hjá Arsenal. Özil hefur einnig skorað þrjú mörk sjálfur og hefur því komið með beinum hætti að 19 af 37 deildarmörkum Arsenal á tímabilinu. Oliver Giroud hefur sérstaklega notið góðs af sendingum Özils í vetur en Þjóðverjinn hefur lagt upp sex mörk fyrir franska framherjann.

Næstur á stoðsendingalistanum kemur Kevin De Bruyne sem hefur átt níu stoðsendingar á félag sína í Manchester City. Belginn var keyptur fyrir fúlgur fjár frá Wolfsburg síðasta haust en hann hefur sýnt að hann er hverrar krónu virði.

Þrír leikmenn hafa gefið átta stoðsendingar í úrvalsdeildinni; David Silva hjá Man City, Gerard Deulofeu hjá Everton og Riyad Mahrez hjá Leicester City.



Löng og farsæl reynsla og sérstaklega hagstætt verð

ÞORRAVEISLUR
1.990 kr.- per mann

Verðdæmi:
Heitt og kalt hlaðborð
1.990 kr.- per mann

Veislubjónusta Magnúsar Inga Magnússonar, Mínir menn,

býður upp á girnilegt hlaðborð í veislusal, heima eða á vinnustaðnum



Nánari upplýsingar á minirmenn.is



Upplýsingar veitir Magnús Ingi í síma 696-5900 magnusingi@gmail.com